

SANITÉ: Le dotur Eduard Agreiter é demez dai 18 ai 22 de setëmbër y vëgn sostitui dala doturia Grete Mahlknecht 349 06 67 034.

La doturia Grete Mahlknecht é demez dai 25 ai 29 de setëmbër y vëgn sostituida dal dotur Eduard Agreiter 333 13 80 852.

PLOANIES SAN MARTIN Y LUNGIARÜ

Invit ala Mëssa solëna de reingraziamënt y suplica por le sorvidù de Dî siur Heinrich Videsott a La Val incö domënia, ai 17 de setëmbër, dales 14.30.

Invit al Teater Musical de Sant Ojöp da Oies ai 23 de setëmbër dales 20.00 tl Walterhaus a Balsan. Por prenotaziuns ciarede sön la plata internet www.musicaloies.it o telefoné a 0471 997 097.

I seniors y les seniores dl Raiun de Puster y dla Val Badia mëta a jí n peregrinaje a Heiligenblut y Großglockner la domënia, ai 24 de setëmbër.. Al pëia ia na coriera da Pidrö. Informaziuns y prenotaziuns pro la presidënta Anna 348 03 38 582.

Les informaziuns por les ploanies da SAN MARTIN y da LUNGIARÜ ciafëise te chësta plata tla pert daite.

Le grup dla Ciamena dal Guant lascia alsavëi che da sëgn inant pól indö gní dé jö guant de vigni sort, tres tla sënta a Picolin, ti locai dla Ciasa de palsa vedla. Al pó gní dé jö guant nët y intier, mo ince linzos, cisces, pezes da mans, guant da sot ite, tovaies, cutres, cialzá y i.i. La Ciamena dal Guant sará inant daverta por dé jö, y sambëgn ince por se chirí fora guant, vigni jöbia dales 14.00 ales 16.00. Chësc sorvisc é miné por düc, y düc é ince bëgnodüs.

Invit al referat "Verzöra, ci buna, co pói pa la conservè por la to ca d' inver?" cun Martina Irsara da Prettau la sabeda, ai 23 de setëmbër, dales 14.00 - 18.00 tla ciasadafüch dla scora da Lungiarü; organisé dales patrones dl Comun da San Martin de Tor adöm cun le Consëi de Formaziun. Se prenoté cina ai 19 de setëmbër pro Lucia 338 99 18 326. Alplü por 15 porsones.

La Portina por l'Assistënza y Cura dl Raiun Sozio-Sanitar Val Badia organisëia na incuntada sön le tema "Desposiziuns de tratamënt - Poscibilitè da stabilì y planifiché damperfora mia orenté" cun la doturia Monika Völkl. che laora tl Sorvisc de cures paliatives dl ospedal da Porsenú, le mercui, ai 27 de setëmbër, dales 15.00 inant tla Ciasa de Palsa a San Martin. Dötes y düc é dër bel inviá.

"Do you speak English?" - curs de inglej, livel mesan, por scrí y baié cun ghësc, cun l' insegnanta Lalena Stull, organisé dales Ères tl Artejanat Val Badia, en colauraziun cun le Consëi de Formaziun de Badia. Le curs mët man mercui 27 de setëmbër, por indöt 10 iadi, tres de mercui, dales 20.00 ales 21.30 a La Ila tla Cassa Raiffeisen. Le cost é de 95,00€. Le curs é davert a düc y le numer dl partezipanc é limitè. Info y iscriziuns al nr 339 11 04 083 (Manuela).



Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194

17.09. - 24.09.23 n. 43

unitepastorala.org

ultimo termo por comunicaziuns: jöbia, dales 20.00

24^a Domënia ia por l'ann A

Vangele do san Matí 18, 21-35

Te chël tëmp ti é Pire jü pormez a Gejù y l'à damanè:
Signur, tan gonot mëssi pa ti pordené a mi fre, sc'al fej picé cuntra mè?
Set iadi? Gejù ti à dit: Nia set iadi, mo setantesset iadi.
Cun le règn dl cil éra sciöche cun n re che orô fà cunt cun sü sorvidus.
Canch'al à metü man da fà cunt, ti n'àn condüt un che ti è diescmile talënc de debit. Deach'al ne sciafiâ nia da rete i scioldi, à le patrun comanè de le vëne cun fomena y mituns y cun döt cí ch'al â, por le fà despaié jö insciö le debit. Dailò s'à le sorvidù sciurè söi jenëdli y periâ:
Ais paziënza cun mè! I te reti döt. Le patrun à albü compasciun cun le sorvidù, l'à lascè jì y ti à lascè do le debit.



Che é pa pordèrt mi fre, a chël che iö dess ti pordené?
Ai parënc, ai amisc, ai cristians o propi a düc? Y ci malfac dessi pa pordené?
Èl propi ofenüdes tan sotes y tan crödiés ch'an n'é nia bugn da pordené?
Y ci n'él pa sce un n'é nia bun da pordené?
Sarál le Signur che le surandarà al castighe?
Al é domandes a chëres ch'al n'é nia saurí da respogne - y cun chëstes messunse vire.
I cherdun che döt ci che é, é Chël Bel Dî che tol te sües mans misericordioses y che inultima ne gnarál nia fat jö i cunc sciöche nos i fajessun.
Sciöch'al sará en realté ne savunse nia, mo i cherdun tla misericordia de Dî.

(Te Deum)

EDEMA - ANN "A"	SAN MARTIN	LUNGIARÜ	SAN MARTIN
17.09.23 24^a Domènia dl ann A	9.00 Corona 9.30 Mëssa por la comunité <i>cun don Andrea</i>	7.50 Corona 8.15 Gran Mëssa por la comunité + Isidoro Clara, dl Toch + Vito Zingerle Benedisciun dl tëmp 15.00 Corona tla capela de S. Ojöp Fr.	Dilan dla oferta dla fam. Peter Videsott en recordanza de + Augustin Clement por la Südtiroler Krebshilfe. Düc/Dötes i/les Seniors/es da San Martin y d'Antermëia é dër bel inviá a na funziun sö tla capela d'Al Bagn d'Antermëia y dedô a na picia marëna tla ostarìa d'Al Bagn en dedemesaledema, ai 20 de setëmber, dales 15.00. Le cost é de 10 €. Präibel prenotésse pro Alfred 333 36 54 786 cina en incö, 17 de setëmber. La coriera de linea pëia sö da San Martin dales 14.13
18.09.23 <i>Richard, Ariana</i> Lönesc			En dedolönesc, ai 19 de setëmber, vëgnel indô sié la cortina. Chi che á dlaurela da gní a daidé dess cherdé sö Leo 348 40 96 351
19.09.23 Dedolönesc <i>Jenare, Igor, Ferdinand</i>	8.00 Mëssa + Angelina Vanzi Baldissera + Augustin Clement (dla Uniun)		La Musiga da San Martin inviëia dër bel la comunité ala Segra dl paisc, en domènia, ai 24 de setëmber, cun chësc program: 09:30: mëssa solëna te dlìjia; do mëssa vëgnel venü crafuns da segra! 10:30: matiné cun liagnes blances y intratenimënt musical cun Ingfried; 13:30: defilada y concert dla Musiga da Rina; 18:00: musiga da bal "Die Kemitna" Por le mangé y bëre fistidiëia la Musiga. Al gnará ince organisé n valgügn jüc por mituns!
20.09.23 Dedemesaledema <i>André Taegon, Paul Hasang</i>		7.30 Mëssa + + Pire y Angela Dapoz + Franz Costa, Ustí Vedl	
21.09.23 <i>Matí ap. y vang.</i> Jöbia			
22.09.23 <i>Maurizius, Ulpia</i> Vëndres	18.30 Adoraziun chîta 19.00 Adoraziun deboriada		<p style="text-align: center;">LUNGIARÜ</p> I/Les Seniors/es da Lungiarü é inviá/des da gní a tó pert al peregrinaje sö Oies en sabeda ai 23 de setëmber. I s'incuntun dales 14.00 sön plaza dlungia le Sanví y jun cina a San Linert cun i auti privac (ciaran da senté adöm tan ch'ara vá). Da iló inant junse en prozesciun cina sö Oies. Dales 16.00 é la S. Mëssa. Do Mëssa sö da gní a ciasa storjunse pro a San Linert a sté adöm pro na picia marëna.
23.09.23 Sabeda <i>Pio da Pietrelcina, Tecla</i>	11.00 Mëssa da noza de Silke Pescoll y Aaron Frenner 18.30 Mëssa prefestia + Paul Ferdigg dl ann + Elena Rubatscher Zingerle + + + Ferdigg, Burkia, Pescosta, Ju		En domènia, ai 24 de setëmber, inviëia la Uniun di Èi da Lungiarü a fá le tru dles staziuns; i piun ia da Dlijia demez dales 14,00. Düc é dër bel inviá.
24.09.23 25^a Domènia dl ann A De Mondial di Migranc	Segra da San Martin 9.00 Corona 9.30 Gran Mëssa por la comunité 3 ^a de sopoltöra de + Augustin Clement dl ann + Maria Grünfelder Flöss + + + Sepl y Nando Sorà y Ida Flöss + + Giovanni y Teresa Flöss	7.50 Corona 8.15 Gran Mëssa por la comunité por i nüc Ivan Sorà y Iris Schanung de reng. fam. Domenico Clara por fam. Iaco Castlunger + Silvia Zingerle Rives 15.00 Corona tla capela de S. Ojöp Fr.	I ti audun a Aileen, Elia, Fabian, Nicola y Sara, che mët man adöm cun d'atres 106 porsones dla Val Badia le tru de preparaziun ala Crejima, döt le bun, tröpa ligrëza y na buna preparaziun a chësc bel sacramënt. I orun ince nos sciöche cöra i stlü ite y ti stè dlungia cun nostes oraziuns.